

**ՆՈՐ-ՆԱԽԻՋԵՎԱՆԻ ՀԱՅ ԳՅՈՒՂԵՐԻ «ԿՏՐԻՃՆԵՐԻ ՄԻՈՒԹՅՈՒՆՆԵՐԻ» ՄԱՍԻՆ
(Պատմա-ազգագրական ակնարկ)**

Խ. Ա. ՓՈՐՔՇԵՅԱՆ

Միջնադարյան Հայաստանի քաղաքներում առևտրական և արհեստավոր երիտասարդների շրջաններում գոյություն են ունեցել ամուրի կտրիճների միություններ, որոնք հաճախ կոչվել են եղբայրություններ:

Հայտնի է, որ 1280 թ. Երզնկա քաղաքում կազմակերպվել է «Կտրիճաց միաբանություն», որի կանոնադրությունը դրել է հայտնի գիտնական և բանաստեղծ Հովհաննես Երզնկացին: Այդ կանոնադրությունը այժմ գտնվում է Մաշտոցի անվան Մատենադարանում:

Նորագույն հետազոտությունների հիման վրա հայտնի է նաև, որ այդպիսի «Կտրիճաց եղբայրություններ» գոյություն են ունեցել Անիում, Վանում, Կարինում և այլ վայրերում:

Հայաստանում ստեղծված քաղաքական դժբախտ դրության հետևանքով, X—XI դարերի շեմքին և այնուհետև տեղի ունեցած խոշոր դանդաղածային զաղթեր ղեկավար Սև ծովի ափերը, Ղրիմ, Մուղավիա, Արևմտյան Ուկրաինա, Հեհաստան, Տրանսիլվանիա և այլ ապահով վայրեր, ուր զաղթականները նույնպես ունեցել են կտրիճներին միավորող կազմակերպություններ:

Մինչև վերջերս սեզ մոտ աչքաթող էր արված այդ միությունների ուսումնասիրության գործը: Վերջին տարիներս, սակայն, մեր գիտական պարրերականներում հրապարակվեցին մի քանի բովանդակալից ողվածներ, նվիրված այդ երևույթի հետազոտությանը¹:

Մասնագետների գործը հեշտացնելու նպատակով և «Կտրիճվորաց եղբայրություններ» մասին ճշգրիտ կարծիք կազմելու համար ընթերցողի ուշադրություն ենք հրավիրում Նոր-Նախիջևանի հայ գյուղերի կտրիճների միությունների վերաբերյալ մեր վաղուց ի վեր հավաքած նյութերի վրա, նյութեր, որոնք արտացոլում են հայ գեղջուկի ոչ հեռու անցյալի կենցաղն ու սովորույթները:

Նոր-Նախիջևան քաղաքը և շրջակա գյուղերը հիմնեցին 1280 թ. Ղրիմից բռնազաղթի ենթարկված հայերը: Նրանց բերել էր ռուսաց կառավարությունը առևտուրը զարգացնելու և հարավային Ռուսաստանի բերրի հողերը մշակելու համար:

Կաֆա, Ղարասու-Բազար, Բախչիսարայ, Կյուլլով, Սիմֆերոպոլ և Օրդազար քաղաքների հայ բնակիչները միացան և հիմնեցին Դոն գետի Նոր-Նախիջևան քաղաքը, իսկ գյուղացիք հիմնեցին Էկզրում Չալթրը, Թոփտի, Մեկ-Սալա, Փոքր-Սալա և Նիսվիտա գյուղերը, հետո նաև վեցերորդ՝ Կատարինավան գյուղը: Մեր դարի քսանական թվականներին այդ գյուղերում ապրում էր շուրջ 30 հազար հայ: Ամենամեծ գյուղը Թոփտին էր, որ 1913 թ. ուներ շուրջ 9 հազար բնակիչ: Չալթրը մի քիչ պակաս էր, մյուսները՝ ալեկի պակաս: Ամեն գյուղ բաժանվում էր մահալաների (թաղերի): Թոփտին ուներ 10 թաղ, Չալթրը՝ 6, Մեկ-Սալան՝ 6, Փոքր-Սալան՝ 4, Նիսվիտան՝ 2:

Անցյալ դարի վերջին տարիներին բոլոր հայ գյուղերում էլ կային կտրիճների միություններ, որոնք կոչվում էին «Ավետիսի տներ»: Ամեն թաղ ուներ իր առանձին կտրիճների միությունը, այսինքն՝ իր Ավետիսի տունը:

Այդ Ավետիսի տները գրված կանոնադրություն չունեին: Իշխում էր չգրված օրենքը, այսինքն՝ դարերով սրբազորված սովորությունը:

¹ Տե՛ս է. Խ ա շ ի կ յ ա ն, Երզնկայում 1280 թ. կազմակերպված «Եղբայրություն», ՀՍՍՌ-ԳԱ «Տեղեկագիր», 1951, № 12: Նույնի Երզնկա քաղաքի «Եղբարց միաբանության» կանոնադրությունը (1920 թ.), «Բանբեր Մատենադարանի», Երևան, 1962, № 6: Վ. Գ Ր Ի Ղ Ո Ր Յ Ա Ն, Արևմտյան Ուկրաինայի հայկական զաղույթների «Կտրիճվորաց եղբայրությունների» մասին, «Պատմա-բանասիրական հանդես», Երևան, 1963, № 2: Այս հարցին տարրեր առիթներով անդրադարձել են ուրիշ հետազոտողներ ևս: Տե՛ս Ա. Կ ա Ր Ի Ն Յ Ա Ն, Ակնարկներ հայ պարրերական մամուլի պատմությանից, հատ. 1, Երևան, 1958, էջ 72: Ա Շ. Հ Ո Վ Հ Ա Ն Ն Ի Ս Յ Ա Ն, Դրվագներ հայ ազատագրական մտքի պատմության, Երևան, գիրք 1, 1957: Նույնի Գ. Ախվերդյանի և Գ. Շիրմազանյանի նամակափոխանակությունը Վրաստանի և Պարսկաստանի համբարությունների մասին, «Պատմա-բանասիրական հանդես», 1963, № 2:

Ավետիսի տան անդամ կարող էր դառնալ ամեն մի ամուլի կտրիճ, 15—16 տարեկանից սկսած մինչև ամուսնանալը: Ամուսնությունը զրկում էր կտրիճին Ավետիսի տան անդամ լինելու իրավունքից, նրան անվանում էին «տանտեխ» և նա այլևս չէր կարող մասնակցել կտրիճների գործերին:

Ավետիսի տան անդամ կարող էին լինել անխտիր բոլոր կտրիճները. դասը և դասակարգը, տնտեսական դրությունը, զբաղմունքը ոչ մի դեր չէին խաղում:

Ավետիսի տները գործում էին միմիայն ձեռնով ամիսներին, աշնանացանը վերջանալուց մինչև գարնանացանը սկսվելը:

Ամեն տարի աշնանը թաղի կտրիճները հավաքվում էին ընդհանուր ժողովի և ընտրում Ավետիսի տան նախագահ (որը Չալթըրում կոչվում էր խառնալազի, իսկ բոլոր մյուս գյուղերում՝ միֆիր-աղասի), մեկ կամ երկու օգնական, որոնք վարում էին Ավետիսի տան տնտեսությունը: Օգնականներից մեկը վարում էր գանձապահի պաշտոնը: Կտրիճները Ավետիսի տանը տալիս էին անդամավճար, որը տարեկան 50 կոպեկից ավելի չէր լինում: Ավետիսի տները իրենց սեփական շենքերը շունեին: Խառնալազիները և միքիթ-աղասիները Ավետիսի տների գործելու շրջանում վարձում էին մի տուն կամ մի մեծ սենյակ, որտեղ կտրիճները հավաքվում էին: Դրանք կոչվում էին Ավետիսի տներ, որովհետև առաջին հերթին այնտեղ սովորում էին ավետիսներ երգել: Սովորում էին նաև պարեր, նոր երգեր. կարգում էին հանրամատչելի գրքեր, լսում հեքիաթներ, հանելուկներ էին ասում և այլն: Տան ղեկավարը՝ խառնալազին կամ միքիթ-աղասին, լավ ավետիս երգողներից և պարողներից մեկ կամ երկու հոգու նշանակում էր ուսուցիչ և պարտավորեցնում բոլոր նորեկներին սովորեցնել ավետիսներ, իսկ հների հետ զբաղվել սերտողությամբ: Ամեն երեկո պարապմունքները սկսվում էին ավետիսների վարժապետների պառնով: Ուսուցիչներն ունենում էին առհասարակ հաստ տետրակներ, որտեղ գրված էին լինում ավետիսները: Նորեկները արտագրում էին իրենց տետրակների մեջ ուսանավորի բառերը և անգիր անում: Ուսուցիչները սովորեցնում էին միմիայն երգի եղանակը և պարերը: Ավելի դժվար էր պարապել անգրագետների հետ: Նրանց սովորեցնում էին նախ խոսքերը անգիր անել, և ապա՝ եղանակներն ու պարերի շարժումները:

Ավետիսները շատ հին ծագում ունեն: Նրանք բոլորն էլ Հայաստանում գոյություն ունեցած, Կ. Կոստանյանի, Մնացականյանի և Վրթանես Փափազյանի ժողովածուներում գետնդված ավետիսների տարբերակներն են: Կրոնական է նրանց ծագումն ու բովանդակությունը և բոլորն էլ կապված են Քրիստոսի ծննդյան տոնի հետ: Նրանք գաղթականների հետ Հայաստանից անցել են Ղրիմ, իսկ այնտեղից բռնազաղթի ենթարկվածների հետ չվել Նոր-Նախիջևան:

Ամեն տարի ճրագալույծի երեկոյան, իրենց տանը թաթախման սեղանը վայելելուց հետո, կտրիճները հավաքվում էին իրենց թաղի ավետիսի տանը, կազմում 4-5 հոգուց բաղկացած խմբեր, թաղի տները բաժանում այդ խմբերի մեջ և խումբ-խումբ ման գալիս իրենց հանձնված տները: Խմբերը զխավորում էին ավագները: Ավագները ներս էին մտնում, իսկ մյուս անդամները՝ կանգնում նախասենյակում: Ավագը դիմում էր տան տիրոջը՝ «Շնորհավոր ծնունդ» խոսքերով, իսկ խումբը նախասենյակից երգում էր՝

Ձեզ ավետիս, մեզ ավետիս.

Ձեռ և մեզ մեծ ավետիս:

Տանտերը դիմավորում էր նրանց և խնդրում ներս մտնել: Խումբը, ներս մտնելով, սկսում էր ավետիսներ երգել: Շատ տանտերեր իրենք ևս միանում էին խմբին և երգում: Շատերը խընդրում էին երգել իրենց սիրած ավետիսները, ծերերը իրենց հմտությամբ փորձում էին երգող երիտասարդներին: Տանտերերը կտրիճներին հրավիրում էին սեղանի մոտ, հյուրասիրում մի-մի լաժակ գինով կամ օղիով, տալիս մի-մի գդալ մեղրով կաղին, որ կոչվում էր կաղանդ: Ամեն մի տանտիկին ավետիսի տան համար նախօրոք թխում էր մի մեծ խալաչ և երկու զաթա, որ տալիս էին ավետիս ասողներին: Բացի դրանից, տանտերը, ըստ իր կարողության, տալիս էր 5—20 կոպեկ փող: Այս ամենը բերում էին ավետիսի տունը և հանձնում միքիթ-աղասիին, որը փողը դնում էր դրամարկղը, իսկ խալաչներն ու զաթաները կառքի վրա բարձած, ուղարկում Նոր-Նախիջևան և ծախում շուկայում, որով զգալի գումար էր հավաքվում: Ավետիսները երգվում էին տարին մեկ անգամ, բայց ավետիսի տանը դրանցով զբաղվում էին ամեն երեկո:

2 Այդ մասին ավելի մանրամասն տե՛ս մեր հոդվածը «Ազգագրական հանդես»-ում, 1910-XIX գիրք, էջ 102:

Հարսանյաց պարերգեր:

Պարերը կամ պարերգերը պսակի հանգեսի հետ անքակտելիորեն կապված ծիսակատարման ձև ստացած հին երգեր էին, որոնք պսակի օրը երգում էին փեսայի ընկերները: Առանց այդ պարերգերի փեսային չէր կարելի հաղցնել, նրան տնից դուրս հանել և հարսնառ տանել, ինչպես նաև չէր կարելի հարսին տնից հանել և փեսայի հետ եկեղեցի տանել: Դրա համար էլ պարերը ավետիսի տների պարապմունքների մեջ բռնում էին շատ կարևոր տեղ:

Յուրաքանչյուր կտրիճ, ամեն մի միության անդամ պսակվելիս՝ հարսանյաց օրը պետք է շրջապատված լիներ իր ամուրի ընկերներով և շարժվեր նրանց երգերին համապատասխան:

Պսակի ծեսը լրիվ կատարելու համար կտրիճների պարերգերը նույնքան անհրաժեշտ էին, որքան քահանայի օրհնանքը: Պարերգերի թիվը շատ էր՝ դրանք էլ ավետիսների նման ունեին վաղեմի ծագում և դաղթականների հետ մայր հայրենիքից հասել էին Ղրիմ, այնտեղից՝ Նոր-Նարսիչևան:

Ամեն մի պսակվող կտրիճ ավետիսի տան անդամ էր: Նա իր պսակով փաստորեն հրաժեշտ էր տալիս ավետիսի տան ընկերներին, զրկվում ավետիսի տան անդամ լինելու իրավունքից, դառնում «տանտեր»:

Պսակի օրը, դեռ չլուսացած, փեսայի ընկերները դալիս էին նրա տունը. այդպես վաղ դալիս էր նաև նվագախումբը և միասին գնում էին կնքահոր մոտ: Կտրիճները պարեղանակներ էին երգում, իսկ նվագախումբը «կոչ-հավայով» դուրս էր հրավիրում կնքահորը: Կնքահայրը դուրս էր գալիս, ձեռքին վառած կերոն, գիմավորում էր եկողներին և ներս հրավիրում: Ներսում կնքահայրը և կնքամայրը հյուրասիրում էին եկողներին մի-մի բաժակ զինով կամ օղիով, քաղցրավենիքներով: Կնքահայրը, կնքամայրը և նրանց 10—15 տարեկան տղան տոնական շորերը հագած, էկվորներին հետ վերադառնում էին հարսանյաց տունը: «Կոչ-հավայով» կնքահորը ներս էին տանում և նստեցնում թոռուպատը³, հայելու տակ: Ամենքը ողջունում էին կնքահոր և կնքամոր զալուստը, լիք-լիք բաժակները ձեռներին մոտենում ու ասում.

— Կնքահայր, կամքդ կատար:

Նրա առաջն էին շարում փեսայի շորերը, կոշիկները և զլխարկը: Կնքամայրը բաց էր անում շորերի ծալքը, ցույց տալիս ամենքին: Միքիթ-աղասիի ղեկավարությամբ փեսայի ընկերները նրան շրջապատում էին նեղ օղակով, սկսում երգել «փեսա հազվեցնելու» պարը: Ընկերները հանում էին փեսայի հագի շորերը, կնքահոր թույլտվությամբ նրա առաջից վերցնում հարսանյաց շորերը և սկսում հագցնել: Փեսայի սպիտակ Նախշած շապիկը ուղարկում էր հարսը: Ամենից առաջ հագցնում էին այդ շապիկը: Փեսային նստեցնում էին փոքր նստարանին, հագցնում էին սև վարտիկ, սև կոշիկ՝ երկար խոնջերով, սև ժիլեթ՝ արծաթյա կոճակներով և սև շեքման: Ամենավերջը նրա վզին կապում էին կարմիր ժապավեն, որ կոչվում էր շար: Միքիթ-աղասին վերցնում էր կարմիր կտորից պատրաստած լայն գոտին և կապում փեսայի մեջքին: Նույն միքիթ-աղասին վերցնում էր փեսայի զլխարկը և շրջված դնում նրա զլուխը: Այնուհետև միքիթ-աղասին դիմում էր կնքահորը ճառով, որի բովանդակությունը լինում էր մոտավորապես հետևյալը.

«— Դիրելի կնքահայր, վերեն ընկել է մեկ հատ պաղած (սառած) խուշ, հոգեվարքի մեջ է: Եեսոք, յաշ թուլուն է, խալսեցունել կապիկի է: Մեր կտրիճները գտիլ ին, բերիլ ին հոս, մեղք է, պետք է նայել, տաքացնել, ուտեցունել և խմցնել, կշտացնել, պետք է կարմիր զինի, Հինդիս-Լանի շերբեթ ջուր, տաք հալավ», — և այլն:

Կնքահայրը, ըստ իր կարողության, միքիթ-աղասիին տալիս էր 3—5 ռուբլի՝ Ավետիսի տան օգտին: Միքիթ-աղասին, փողը և տանալով, իսկույն շուր էր տալիս փեսայի զլխին ծուռ դրված զլխարկը, հագցնում ինչպես հարկն էր: Զգեստավորված փեսան համբուրում էր կնքահոր և կրնքամոր ձեռները: Կնքամայրը ստուգում և շտկում էր փեսայի վզի շարը, ամրացնում այն զնդասնդներով:

Զալթրում մի քիչ ուրիշ տեսակ էր Ավետիսի տան փող հավաքելու ձևը: Փեսայի ընկերները մերկացնում էին նրան և անդրավարտիկով նստեցնում գետնին: Խառնավազին դիմում էր կնքահորը և փեսայի ազգականներին.

3 Թոռուպատ նշանակում է՝ ամենապատվավոր տեղ, որտեղ նստեցնում են պատվավոր հյուրերին: Մեր կարծիքով դա ճենովացոց torus, toro խոսքն է: Ընենովացոց տներում հյուրասենյակի զլխավոր պատի տակ դրված էր լինում բարձր բազկաթոռ, որ կոչվում էր torus, նրա վրա նստեցնում էին մեծուպատիվ հյուրերին: Վիրգիլիոսը այդպես torus-ի վրա էր նստեցրել Էնեասին (inde toro pater Eneas):

«— Մուքարինե (Харьков) խոթի (ապրանք գնելու) գնացել էր։ Բարիները բարձած ետ լնած ժամանակը, երկու ջուրը մեկգմեկի խառնված տեղը, ամեն բանը ջուրը տարիլ է, ինքն ալ հազիվ հազ փրկվիլ է։ Հանա մեր տղաքը խալսեցուցիլ ին, բերիլ ին հոս, հանա մորեմերկ նըստած է, փատցած, պաղած, քաղցած և հիվանդ։ Կնքահայր և պատվելի ծնողներ, հասեք օգնության։ Պետք է տարցնիլ, հազվեցունիլ և ուտեցնի, ու խմեցնիլ, յարգմ արեք, խալսեցուցեք յաշ մաշտուն կյանքը»։

Ծնողները, կնքահայրը, մոտ ազգականները փող էին տալիս։ Խառնվազին ընդունում էր, հաճախ նկատողություն անում, որ քիչ է տվածները, իսկ կարիքը մեծ և այլն։ Փողերը հավաքելուց հետո խառնվազին սկսում էր ընկերների հետ հազցնել փեսային։ Երգում էին «փեսա հազվեցնելու» պար։ Ամենից առաջ հազցնում էին հարսի կողմից նվեր եկած նախշած սպիտակ շապիկը, որի վրա վերջում կապում էին շարը։

Երբ դուրսը լուսանում էր և երբ արդեն բոլոր հարսնեկորները հավաքվում էին, նվագախումբը կնքահոր հրամանով նվագում էր «Առավոտ լուսո», ամենքը սկսում էին պատրաստվել հարսնառ գնալու։

Կնքահայրը կնքամոր հետ և մյուս պատվավոր հյուրերը գնում էին նախօրոք պատրաստված կառքերով։ Զգեստավորված փեսան, բռնած կնքահոր որդու աջ ձեռքից (նրա ձախ ձեռքին լինում էր ժապավեններով և ծաղիկներով զարդարած մի հաստ կերոն), շրջապատված կտրիճների խումբով, ուղևորվում էր հարսի տունը։ Կտրիճները ամբողջ ճանապարհին երգում էին հարսնառ գնալու պարերգը։ Հարսի ծնողները ևս իրենց տանը կատարում էին հարսանյաց հանդես՝ բոլոր ազգականների մասնակցությամբ։

Փեսայի շքախումբը հարսի բակը մտնելուց հետո հարսի ծնողները, բոլոր հարսնեկորները և նվագախումբը դուրս էին գալիս դիմավորելու կնքահորը և փեսային, նվագախմբերը նվագում էին կոչ-հավա։ Երկու կողմի հարսնեկորները իրար խառնված, երկու կողմի երաժիշտների նվագածու-թյան տակ երկար ժամանակ պարում էին ազգային պարեր՝ օյին հավա, կանազբուր, քյոռօղլի և այլն։ Հարսի ծնողները ներս էին առնում կնքահորը, բոլոր հարսնառ եկողներին և շարունակում խնջույքը։ Ներսում հյուրասիրում էին հարսնառ եկող խնամիներին, պատվում գինով, օղիով և քաղցրեղենով։

Հարսի տան մեջտեղում, սեղանին դարսված էր լինում հարսի «ճհեզը» (օժիտ)՝ շորերը, ոտնամանները, գլխակապերը և այլն։ Փեսային կանգնեցնում էին այդ սեղանի մոտ։ Տերտերի գալուց հետո զգեստավորված, դեմքը քողերով ծածկված հարսին հանում էին տան անկյունից և բերում փեսայի մոտ։ Քահանան օրհնում էր շորերը, կատարում կես-պսակ, հարսի ձախ ձեռքը մտցնում փեսայի աջ ձեռքը և հրավիրում եկեղեցի։ Փեսան աջ կողմից բռնած հարսի ձեռքը, ձախ կողմից՝ կնքահոր որդու, ընկերներով շրջապատված, հարսնեկորների հետ ուղևորվում էր եկեղեցի։ Հարսի տնից մինչև եկեղեցի հասնելը կատարվում էր առանձին պարերգ։ Պսակի ծիսակատարությունը եկեղեցում վերջացնելուց հետո բոլոր հարսնեկորները գնում էին փեսայի տուն։ Այս ճանապարհը նույնպես ուներ իր առանձին պարերգը, որի մեջ փեսան անվանվում էր թագավոր, հարսը՝ թագուհի և նրանց երջանիկ կյանք էր մաղթվում։ Փեսայի մայրը տանը սպասում էր։ Հենց որ պսակվողները մտնում էին բակը, նա իսկույն դուրս էր գալիս և տան դռանը կանգնում։ Շեմին դնում էին երկու դատարկ ափսի, որոնց վրայով անցնում էին հարսն ու փեսան և կոտորում, իսկ մայրը դիմավորում էր նրանց՝ մի ձեռքում երկու սպիտակ աղավնի, մյուսում՝ բրնձով և մանր դրամներով լի ափսե։ Աղավնիներին նա արձակում էր հարս ու փեսայի գլխների վրայով, իսկ բրնձն ու մանր դրամները թափում նրանց գլխին։ Փողերը հավաքում էին երեխաները, իսկ աղավնիները ստանում էին ազատություն։ Ծնողները իրենց որդուն և նորահարսին ներս էին տանում։ Դրանով կտրիճները վերջացնում էին պարերգերը։

Ավետիսներ և պարեր սովորելը ավետիսի տների գլխավոր պարապմունքն էր, բայց դրանով չէր սահմանափակվում նրանց գործունեությունը։ Ժողովուրդը, մանավանդ երիտասարդությունը, շատ էր սիրում երգ և երգեցողություն։ Գյուղերի ուսումնարաններն ավարտած տղաները լավ գիտեին Ռ. Պատկանյանի «Մայր Արաքսի» ու «Արի իմ սոխակ» երգերը, Մ. Նալբանդյանի «Մեր լայրենիք»-ն ու «Ազատն տատված»-ը, Ղ. Աղայանի ճախարակի երգը, Ավ. Իսահակյանի «Դարդս լացեք»-ը և շատ ուրիշները։ Այդ ամենը երգում էին ավետիսի տներում։ Ամեն մի նոր լույս տեսած երգ շատ շուտով քաղաքից հասնում էր գյուղ և ավետիսի տներում դառնում ընդհանրության սեփականություն։

Ավետիսի տները հաճախ հրավիրում էին տեղական գուսաններին երգելու և նվագելու համար։ Երբ գուսանները կոչվում էին «շառխըճիներ», Երկու դարերի շեմքին (XIX և XX) ամենաընդունված շառխըճին Նիսվիտա գյուղի բնակիչ Հարությունն էր, որը հայտնի էր Հանթայի Արուսի

անունով, նա իր երգերում գլխավորապես ծաղրի էր ենթարկում տեղական կյանքը և տեղական իշխանավորներին: Շատ էին խավալ (սրինգ) նվաղողները, որոնց մեջ հայտնի էր թոփտեցի կույր տարապետը:

Ավետիսի տներում շատ ընդունված էին հեքիաթները: Ամեն գյուղ ուներ իր հեքիաթ ասողները: Թոփտի գյուղում հայտնի էին Մատոսին Օվակիմը և Գուլին Նիկողոսը, որոնք երկու անբաժան ընկերներ էին: Նրանց հրավիրում էին ավետիսի տները հեքիաթ ասելու: Այդ հեքիաթները ունեին ղրիմյան ծագում. նրանց հերոսներն էին խաները, խոճաները, վեզիրները, խաների աղջիկները, չորանները և այլն և ամեն տեղ հաղթողը բարին էր:

Անցյալ դարի վերջից սկսած, ավետիսի տներում մեծ հաջողություն ունեին Ռ. Պատկանյանի երգերը, մանավանդ Նոր-Նախիջևանի բարբառով ղրվածները: Մեծ հափշտակությամբ կարողում էին «Զափուն», «Պաց աղպարը», «Վաշտեորը», «Երևանը», «Փորսուխին Ավազը», «Վարդան Մամիկոնյանի մահը» և այլն: Ամեն կտրիճ ցանկանում էր ունենալ Պատկանյանի գրքերը, և ցանկություն հնարավորություն չկար: Ավետիսի տները շունեին իրենց գրադարանները: Կտրիճները ուսուցիչներից էին վերցնում գրքեր և բերում ավետիսի տները: 1905 թ. հեղափոխությունից հետո ավետիսի տներում սկսեցին կարդալ «Նոր կյանք», «Լույս», «Դաղութ» շաբաթաթերթերը, որոնք լույս էին տեսնում Նոր-Նախիջևանում:

Ավետիսի տները հարմարվում էին ժամանակի պահանջներին և տեղական պայմաններին:

* * *

Ավետիսի տները, ինչպես ասվեց վերը, սկսում էին գործել լաշանը, դաշտային աշխատանքները վերջանալուց հետո և իրենց գործունեությունը դադարեցնում էին գարնանը, երբ վերսկսվում էին դաշտային աշխատանքները: Միայն զատկի տներին կտրիճները իրենց թաղերում սարքում էին մեծ սանձախ: Սանձախի համար թաղի տներից վերցնում էին 13 արշին երկարություն ունեցող 6 հաստ գերան և մեկ՝ 7—8 արշին երկարություն ունեցող գերան, որ կոչվում էր ուորել: Կտրիճները փողոցում փորում էին եռանկյունաձև շարված երեք փոս՝ մեկ արշին խորությամբ: Այդ փոսերի դիմաց, 6—7 արշին հեռավորության վրա, նույն եռանկյունի ձևով փորում էին երեք այլ փոս: Այդ փոսերի մեջ կանգնեցնում էին գերաններ և ամրացնում քարերով ու հողով: Վեց գերանը ամրացնելուց հետո մի կամ երկու հոգի բարձրանում էին վեր, հաստ պարանի օգնությամբ միացնում երեք գերանների գագաթները և կապում ամուր պարանով կամ փոկով: Նույնը անում էին և մյուս կողմի երեք գերանի հետ: Ապա վերև էին բարձրացնում ուորելը⁴, որի մի ծայրը դնում էին մի կողմի գերանների վերին կապի վրա, իսկ մյուս ծայրը՝ երկրորդ խմբի գերանների կապի վրա: Այդպիսով, երկու կողմերը միացնում էին իրար: Այդ միացնող ուորելը կոչվում էր առխանլըխ:

Այդ առխանլըխի վրա երկու կետերից ձգում էին լավ ամրացրած լայն փոկերից պատրաստված օկուզրաշիններ, այսինքն՝ եզների գլխակապեր: Սանձախի բարձր լինելու պատճառով կախում էին մի քանի օկուզրաշի և միացնում իրար: Երկու կարգ կախված փոկերից պատրաստված օկուզրաշիները ներքևում միացնում էին: Դրանք կոչվում էին մեծ սանձախի խայիշ: Ներքևում դնում էին լայն օկուզրաշի, որպեսզի հեշտ լինի վրան նստելը և օրորվելը:

Կտրիճները իրենք օրորվում էին խայիշի վրա կանգնած: Ոչ-կտրիճները օրորվում էին նստած: Նրանց օրորում էին կտրիճները: Կանգնած էին լինում առհասարակ երկու զույգ կտրիճ, որոնք իրենց ձեռքի պարանով կամ բարակ փոկով նստողին կամաց-կամաց բարձրացնում էին: Օրորող կտրիճների ձեռքի պարանը կամ փոկը կոչվում էր խլամպար:

Օրորվելու հանում էին ծերերին, միջին հասակի մարդկանց, երիտասարդ «տանտերերին»: Օրորում էին առհասարակ երկու զույգ կտրիճ, բայց երբ օրորվողը լինում էր մեծ պատվի տեր մարդ, օրորում էին երեք զույգ կտրիճ: Աղջիկներին օրորվելու էին բերում մայրերը կամ այլ ազնականներ: Նորահարսերին բերում էին սկեսուրները, կնքամայրերը և կամ մայրերը, որոնք կոչվում էին մեծվորներ: Օրորվողները փող էին տալիս 5—20 կոպեկ: Երբ օրորվում էին նշանված աղջիկները, նրանց նշանածները ես փող էին տալիս: Երեխաներին բերում էին մայրերը, տատերը և կամ պապերը:

⁴ Ուորել կոչվում է այն գերանը, որով խոտով, հարդով, հացահատիկների խուրձերով բարձած սայլի վրայի դեզը կոխում են և պարանով կապում: Ոմանք այն անվանում են կոխիչ գերան:

Սանճախները գործում էին անընդհատ, երեք օր։ Այնուհետև «խայիշը» հանում էին և նորից ձգում հաջորդ կիրակի։ Ամբողջ օրը օրորվում էին, իսկ գիշերը կտրիճները քանդում էին սանճախը և գերանները տանում իրենց տներին դուռը։ Սանճախների եկամուտը պատկանում էր ավետիսի տանը։ Բացի մեծ սանճախներից լինում էին և փոքր սանճախներ, վերջիններս սարքում էին բակերի մեջ 10—15 տարեկան տղաներն ու աղջիկները։ Սրանք ավետիսի տան հետ ոչ մի առնչություն չունեին։

Կուռաշներ (գոտեմարտեր)

Կուռաշի սովորությունը մեր գյուղերում և քաղաքում հին էր, բերված Ղրիմից, իսկ այնտեղ դադարեցնելու անշուշտ բերել էին հայկական բնաշխարհից։

Կուռաշները տեղի էին ունենում եկեղեցական ուխտի օրը։ Ամեն մի եկեղեցի ուներ իր ուխտի օրը։ Ամեն գյուղ ուներ իր եկեղեցին, միմիայն Թոփտի գյուղում կար երկու եկեղեցի։ Ամեն ուխտի ժամանակ գյուղական վարչությունը հասարակության հաշվին անպատճառ գնում էր մի մեծ գեր եղ, մի աշառ և մի քանի ուխտար՝ մատաղի համար։ Բացի այդ, մատաղ էին բերում ուխտավորները։ Նրանք բերում են զլխավորապես ուխտարներ և կամ 1—2 տարեկան աշտոներ։ Այդ բոլոր անասուններին նախատոնի երեկոյան ժամերգության ժամանակ բերում էին եկեղեցու դուռը։ Եկեղեցուց դուրս էին գալիս զգեստավորված հոգևորականները և մեծ թափոքով օրհնում կենդանիներին։ Դրանից հետո այդ բոլոր մատաղացու անասուններին տանում էին գյուղվարչության բակը և այնտեղ մորթում։ Նախօրոք, ավետիսի տների տղաների օգնությամբ, ամեն տնից հավաքում էին մի-մի հաց և բուլղուր։ Սայլերով ման էին գալիս բոլոր թաղերը և մատաղը եփելու համար աթար հավաքում։

Գյուղական վարչություններն ունեին Ղրիմից բերած խոշոր պղնձյա կաթսաներ։ Մատաղի միսը ամբողջ գիշերը եփվում էր այդ կաթսաների մեջ։ Եզների և զոմեշների զլուխները չէին եփում, թողնում էին կուռաշի համար։ Պատարագը վերջանալուց հետո, եփած մատաղի միսը կրտոր-կտոր մանրացրած, մեծ կաթսաներով բերում էին եկեղեցու բակի դռան մոտ և մի կտոր հացի հետ բաժանում բոլոր ուխտավորներին։ Գյուղական վարչությունը ունենում էր մի քանի հարյուր փայտյա պնակ և զղալներ։ Մսի չրով և բուլղուրով եփած մատաղ-ապուրը տալիս էին ծերերին։ Ծերերի այդ ճաշկերույթը տեղի էր ունենում առհասարակ ուսումնարանների շենքերում։ Ուխտի օրերը բոլոր մյուս գյուղերից և քաղաքից ուխտավորները գալիս էին լավ ձիեր լծած, իսկ կտրիճները՝ հեծած։ Մատաղը վերջանալուց հետո հավաքվում էին բոլոր կտրիճները և սկսվում էր կուռաշը։ Մրցում էին թաղը թաղի հետ, գյուղը՝ գյուղի հետ և բոլոր գյուղերը՝ քաղաքի հետ։ Ամեն թաղ և ամեն գյուղ, իր հերթին և քաղաքը, ունեին իրենց նամ տված (հայտնի) կուռաշ-չիները։ Անցյալ դարի կեսերին անհաղթելի է համարվել «կարճուկ Մառտինը», որի քաջությունը երգել են գուսանները։

էկան գոտի գոտիի.

Առնվեցան ձեռք ձեռքի.

Թեղաց տակը գետինը,

Հավա էլլան յոգերը:

Ապինը փաթրվեցավ

Ու մեջին խափմի՜ առավ.

Մառտինը մեկին բռնից

ձեկից, վերուց ու քապից:

Աֆերիմ Մառտին, և այլն:

Բացի գյուղերից, մատաղներ էին անում նաև քաղաքում՝ Սուրբ Գեորգ եկեղեցու ուխտի օրը, որը լինում էր ապրիլի 23-ին (հին տոմարով) և Սուրբ Խաչ վանքի վարդապետի օրը։ Բոլոր գյուղերից գալիս էին Սուրբ Գեորգի ուխտին։ Այստեղ կտրիճները աղջիկներ էին ընտրում, որոնք խումբ-խումբ ման էին գալիս եկեղեցու ընդարձակ բակում։ Գյուղացիք մատաղի համար բերում էին ուխտարներ և աշտոներ, մինչև իսկ զոմեշներ։ Նույնն էլ Սուրբ Խաչի վարդապետի օրն էր։ Աշտոների և զոմեշների զլուխների վրա կուռաշ էին սարքում։ Մեզ հասել է մի երգ՝

Սուրբ Գեորգի բաց ազպարը

Կուռաշ բացեց Լուսաբարը,

Ճրոին փչեց իրեն գունճան.

Հետո պարպար տաուլ-բոռոզան:

...Կուտաշ կուզան կտրինները,
 Ալիբ կանեն աղջիկները,
 Մամաները սոլովեն
 Տեյմիշ կանեն հետուեն:

Խրտոխիկը և վարդևոր ուխտ էին գալիս թե՛ գյուղացիք և թե՛ քաղաքացիք: Այստեղ հավաքվում էին կտրիճները և աղջիկները: Նրանք խուճ-խումբ ման էին գալիս և նայում իրար, կտրիճները աղջիկներ էին ընտրում: Հավանելու դեպքում ազգականներից մեկին ուղարկում էին աղջկա ծնողների մոտ խնամիական կապեր հաստատելու համար:

Մորթված անասունների գլուխը առնելու համար անհրաժեշտ էր հաղթել երեք կտրիճի, երեք հոգու կոնակի վրա պառկեցնել:

Հաղթող կտրիճը գլուխը վերցնում և հանձնում էր իր ավետիսի տան ընկերներին, նրանք եփում էին գլուխը մեծ կաթսայի մեջ և ամենքը միասին ուտում: Մինչև գլուխը եփելը կտրիճները քեֆ էին անում, բերում էին ուտելիքներ և հրավիրում զուտնաշիններ: Կտրիճները պար էին գալիս: Պարում էին տեղական ժողովրդական պարեր՝ «Օյին հավա», «Խանազպար», «Մեծ-մամա», երգում տեղական ժողովրդական երգեր՝ «Հենտիք ինկա», «Ապոջան», «Ղարիր Մելքոն» և այլն:

Մեկ թաղի կտրիճները կարող էին մատաղի գլուխը ուտելու հրավիրել ուրիշ թաղերի կտրիճներին: Ամեն ինչ կատարվում էր խառըավազիների և միքիթ-աղասիների կարգադրությամբ:

* * *

Մնում է ևս մի տոնակատարություն, որի մասին խոսելը հետաձգեցինք, որովհետև նրան ավետիսի տներից շատերը չէին մասնակցում: Եա բարեկենդանի տոնն էր: Մի ամբողջ շաբաթ ժողովուրդը անցկացնում էր ձիարշավների ու կերուխումի մեջ: Ամենաջահել կտրիճները, խմբերի բաժանված, ման էին գալիս տնետուն: Նրանք երեսներին քսում էին մուր և կամ հազնում դիմակ, կաշվե մուշտակները շուռ տված, բուրդը դուրս հանած մտնում էին թաղի տները: Նրանցից մեկը, շորեքթաթ կանգնած, ձևանում էր արջ: Ընկերները նվագում էին և նա պար էր գալիս տան մեջ: Երկար պարելուց հետո նա հանկարծ առջևի ոտքերը (ձեռքերը) բարձրացրած կանգնում էր տանտիրոջ առաջ, որը վարձատրում էր նրան պարի համար: Այդ դրամը նույնպես կազմում էր ավետիսի տան եկամուտը: Մյուս ընկերները երգում էին զանազան զավեշտական քառյակներ, ծաղրում տեղական կյանքի պակասությունները: Հաճախ մեկը հիվանդ էր ձևանում, ընկերները բերում էին բժիշկ, որ «թեթև թափելով», անպետք դեղերով, ծաղրելի միջոցներով բժշկում էր և ծիծաղ հարուցում: Կային ավետիսի տներ, որոնք դուրսը, փողոցում սարքում էին կրկեսներ: Տախտակամածերի վրա շինում էին բեմ, իսկ դիմակավորված կտրիճները կատարում էին խեղկատակների դերեր, ծիծաղ պատճառելով հասարակությանը: Ռուսաց զինվորական ծառայության մեջ եղած կտրիճները հաջողությամբ ցույց էին տալիս մշրմնամարզական վարժություններ: Խեղկատակները տեղական բարբառով արտասանում էին երգիծական ոտանավորներ, ծաղրում տերտերներին, ժլատներին, տեղական հարուստներին, հողերը վատ վարողներին, անասունները քաղցած պահողներին և այլն: Պողոցների բեմերում ելույթ ունեցող դիմակավորներին տեղական ժողովուրդը անվանում էր կամենտներ, որ անշուշտ իտալական comedia բառի աղավաղված ձևն է և, ըստ երևույթին, ծառանդություն է մնացել Կաֆայի ջենովացիներից:

Բարեկենդանի տոների վերջին օրը ավարտվում էր և ավետիսի տների ձմեռային զործունեությունը: Հաճախ կտրիճները վերջին օրը կազմակերպում էին խոնոշմա, ընկերական քեֆ և «աղ ու հացի» երկուշաբթի սկսում դաշտային աշխատանքները:

* * *

Այսպիսով, ավետիսի տների եկամտի աղբյուրներն էին՝ կտրիճների անդամավճարները, հարսանյաց ժամանակ նվիրված փողերը, ծննդյան տոնի առթիվ ավետիս երգողների հավաքած գումարը, դատկի տոնի առթիվ սանձախների բերած եկամուտը և բարեկենդանի դիմակավորները հավաքած փողերը: Այդ բոլորը միասին կազմում էին զգալի գումար, որը, ծերերի ասելով, հնում լախսել են զխավորապես «խոնոշմայի», այսինքն՝ խնջույքի, ընկերական քեֆի ժամանակ: Մեզ հայտնի է, որ անցյալ դարի վերջերից պատկերը այլ էր: Ընդհանուր ժողովների որոշմամբ, ավետիսի տների հավաքած գումարը ծախսվում էր բարեգործական նպատակներով: Շատ ընդունված

էր այդ փողերը ծախսել ջրհորներ փորելու, աղբյուրներ կառուցելու, աղքատ հիվանդներին, շունե-վոր աշակերտներին օգնելու համար:

Ինչպես ասվեց վերը, ավետիսի տները շունեին կանոնադրություն: Նրանք գործում էին դա-րժուր սրբագործված անգիր կանոնների հիման վրա, ժողովրդի ստեղծած սովորութեան իրա-վունքով:

Ավետիսի տները եկեղեցու հետ կապված հոգևոր միություններ չէին և ոչ էլ եկեղեցուն հա-կառակ գործող մարմիններ: Ավետիսի տները չէին հպատակված որևէ աշխարհիկ իշխանության և պործում էին ինքնուրույն՝ որպես մասնավոր միություններ: Նրանք բերվել էին Ղրիմից և հիմ-նրվել տեղում Եկատերինա II կայսրուհու 1779 թ. նոյեմբերի 14-ի հրովարտակի հիման վրա՝ բոլոր ազգային սովորութեան իրավունքի վրա: հիմնված միություններ:

Ավետիսի տները շունեին մարտական միություններ, կարիք չկար այդպիսի օրգանների գո-յություն: Ապրում էին ապահով երկրում, առևտրական քարավաններ շունեին և ոչ էլ կարիք կար-նրանց ուղեկցել ու ճանապարհին պաշտպանել ավազակներից: Ավետիսի տները կապ չունեին և համարություն հետ: Չնայած այդ մասին, հանգիստ կարելի է ասել, որ ավետիսի տները մայր հայրենիքի և Ղրիմի «կտրիճվորաց եղբայրությունների» ժառանգներն էին, իսկ նրանց միջոց-առնությունները և խաղաղավազիները՝ նախկին «մանկտավազների» հետնորդները:

Մեկ է եղել նրանց հիմնական նպատակը՝ օգնել նեղության մեջ ընկած ընկերոջը:

Դարերի ընթացքում փոփոխվելով ու տեղի պահանջին ենթարկվելով, «կտրիճվորաց եղբայ-րությունները» Նոր-Նախիջևան էին հասել «ավետիսի տների» վիճակով:

Ավետիսի տներն էլ գնալով ստանում էին ակումբի ձև, նրանցում տարածվում էին ընթեր-շանությունը, թատերասիրությունը, երաժշտությունը և իրենց ուղեկցողությունը: 1905 թ. հեղափոխու-թյունից հետո Թուփտի, Չալթըր և Մեծ Սալա գյուղերը ունեին իրենց թատերասիրաց ընկերու-թյունները, Թուփտի ընկերությունը ուներ իր սեփական թատրոնը: Այդ գյուղերում սիրողները ներկայացումներ ու համերգներ էին տալիս: Բոլոր գյուղերում մեծ հաջողություն էին գտնում Հա-կոր Պարոնյանի «Մեծապատիվ մուրացկաններ»-ը, «Պաղտասար աղբար»-ը, «Արևելյան ատամ-նարույթ»-ը և այլ երկեր: Ավետիսի տների կտրիճներից շատերը մասնակցում էին թատերասի-րաց ընկերությանը:

Ինչ վերաբերում է Նոր-Նախիջևան քաղաքին, ապա ավետիսի տների գոյության մասին այդ-տեղ անուղղակի վկայություններ են մնացել միայն: Անցյալ դարի սկզբներին Կոստանդնուպոլ-սից Նոր-Նախիջևան եկավ երգեցողության ուսուցիչ և տիրացու ստամպոլցի Օվանեսը՝ Նա իր ձայնով հուշակվեց հայկական շրջաններում և ամուսնացավ Նոր-Նախիջևանում: Նախիջևանցիք էկվորներին աղջիկ չէին տալիս, նմանապես եկվորների աղջիկների հետ չէին ամուսնանում: Ստամպոլցի Օվանեսի ամուսնությունը շատերին զարմացրեց այնչափ, որ գուսանները երգ հորի-նեցին այդ առթիվ, որ մինչև հիմա երգվում է: Այդ երգի բովանդակության համեմատ, հարսան-յաց հանդեսին ներկա է եղել «միջիթ-աղասին», այսինքն՝ ավետիսի տան կառավարիչը: Այդ առիթ է տալիս ենթադրելու, որ քաղաքում էլ ժամանակին գոյություն են ունեցել կտրիճների միություններ՝ ավետիսի տներ:

Ուշագրության արժանի է մի այլ դեպք: 1846 թ. Նոր-Նախիջևանում 18 տարեկան երիտա-ւարդ Նախիջևանի Հակոբի Պոպոյանը իր հայրականիցների մեջ հիմնում է մի «Հոգևոր ընկերություն», որի նպատակն է եղել բաժնեգործություն անել «ամենօրյալ մորն ողորմության սր. Աստվա-ծածնի հովանավորության ներքո»: Ընկերության անդամ կարող էին լինել 18 տարեկանից ոչ պակաս կտրիճները: Իզական սեռը չէր մասնակցում:

Ընկերության անդամները տալիս էին անդամավճար, սկզբում՝ տարեկան 7 ուրլի, իսկ հետո՝ 12 ուրլի:

Ընկերությունը կոչվել է «Հոգևոր ընկերություն», անդամները՝ «հետևորդներ», ընկերության ժողովը՝ «Միաբանություն եղբայրաց», ընկերության նախագահը՝ «կարգապետ», իսկ նրա երկու օգնականները՝ «առաջավորներ»⁵: Բայց կարոտյալներին նյութական և բարոյական օգնություն ցույց տալը ընկերության միակ նպատակը չի եղել:

Պոպոյանի միությունը հետևորդներից պահանջում էր պաս պահել, չորեքշաբթի և ուրբաթ օրերը մինչև երեկո քան շուտել, խարազան կապել և այլն: Նրանք իրենց հավաքույթներին շուր-ջառներ էին հագնում, պատարագի աղոթքներ կարդում, սաղմոսներ ասում և այլն: Տարեց-տարի

5 Գ. Պ ա տ կ ա ն յ ա ն, Նոր-Նախիջևանի պատմությունը, Ն. Նախիջևան, 1917, էջ 69.

6 Ը. Շ ա հ ա զ ի զ, Նոր-Նախիջևանի Սուրբ Խաչ վանքը, Թիֆլիս, 1901, էջ 55:

ափելանում էր միության հետևողների թիվը: Միությունը փող էր հավաքում, դրամագլուխ կադմիու համար վաշխառություն անում (180%-ով փող էին տալիս առևտրականներին), առևտրով հարստացնում իրենց գանձարանը: Միության ծիսակատարությունները, գաղտնի ժողովները մեծ աղմուկ բարձրացրին թաղաքում: Կարծում էին, որ Պոպոյանը նոր աղանդ է քարոզում, նոր եկեղեցի է ստեղծում: 'Էա առիթ տվեց հոգևոր իշխանությունը՝ իր ուշադրությունը դարձնելու «Հոգեվոր ընկերության» վրա: 1858 թ. Նոր-Նախիջևան ժամանած Գարրիբի վարդապետ Այվազովսկու ճնշմամբ այն վերանվանվում է «Նշրայություն խրախուսաց ազգաշահ վաստակոց», հրաժարվում եկեղեցական ծիսակատարություններից և սկսում զբաղվել միմիայն բարեգործությամբ:

Այնուհետև սույն եղբայրությունը մի քանի տասնամյակ պահպանեց իր գոյությունը՝ որպես բարեգործական բնույթի կազմակերպություն, զգալիորեն նպաստելով հատկապես դպրոցական գործի բարելավմանը ոչ միայն Նոր-Նախիջևանում, այլև Հյուսիսային Կովկասի այլ հայաշատ նշրայերում, 1867-ից գործելով «Մարդասիրական ընկերություն Նոր-Նախիջևանի հայոց» անվամբ:

Ահա Նոր-Նախիջևանի այս կես աշխարհիկ, կես հոգևոր բնույթի միությունը ևս, թվում է, թե առնչվում է կտրիճվորաց միությունների հետ:

Խորհրդային կարգերի հաստատումը նոր էջ բացեց տեղի հայ բնակչության կուլտուրական կյանքում: Հանգես եկան երիտասարդական ու մարզական նոր բնույթի կազմակերպություններ, բացվեցին խրճիթ-ընթերցարաններ և ակումբներ, որոնք արագորեն դուրս մղեցին հնագույն սովորույթների շատ մնացուկներ, այդ թվում նաև ավետիսի տների հետ կապված երիտասարդական միությունները: Սակայն ժողովրդի կենցաղում վերափոխված ձևերով ընդհուպ մինչև Հոկտեմբերյան հեղափոխության ժամանակաշրջանը պահպանված նախնադարյան-տոհմային կարգերի այս ուշագրավ հասարակական հիմնարկության վերապրուկների խորագնին հետազոտությունը արժեքավոր նորություններ կարող է տալ ինչպես հայ ժողովրդի պատմության ամենավաղագույն շրջանի սոցիալական կյանքի, նույնպես և հետագա դարաշրջաններում, պատմական այլ-լեայլ պայմաններում այդ վերապրուկների այլափոխությունների և ժողովրդի ներքին կյանքում կատարած դերի մասին: